

B O S N A I H E R C E G O V I N A
FEDERACIJA BOSNE I HERCEGOVINE
UNSKO-SANSKI KANTON
GRAD BOSANSKA KRUPA
GRADSKI ORGAN UPRAVE

Broj:09-20-1502/23

Dana: 06.11.2023. godine

Na osnovu člana 5. Pravilnika o vrstama, kriterijima i načinu raspodjela novčanih sredstava iz Budžeta Grada Bosanska Krupa za 2023.godinu - Poticaj za poljoprivredu ("Službeni glasnik grada Bosanska Krupa", broj: 2/23) i člana 1. Pravilnika o izmjeni Pravilnika o vrstama, kriterijima i načinu raspodjele novčanih sredstava iz Budžeta Grada Bosanska Krupa za 2023. godinu – Poticaj za poljoprivredu (Službeni glasnik grada Bosanska Krupa", broj: 9/23) Gradonačelnik grada Bosanska Krupa objavljuje:

JAVNI POZIV
za podnošenje zahtjeva za sufinansiranje troškova uzgoja pčelinjih društava

I Gradonačelnik grada Bosanska Krupa objavljuje Javni poziv za podnošenje zahtjeva za sufinansiranje troškova uzgoja pčelinjih društava.

II Opći uslovi za ostvarivanje prava

Pravo na korištenje sredstava, a u skladu sa Pravilnikom o vrstama, kriterijima i načinu raspodjele novčanih sredstava iz Budžeta Grada Bosanska Krupa za 2023. godinu – Poticaj za poljoprivredu i Pravilnikom o izmjeni Pravilnika o vrstama, kriterijima i načinu raspodjele novčanih sredstava iz Budžeta Grada Bosanska Krupa za 2023. godinu – Poticaj za poljoprivredu, imaju pravna i fizička lica koja imaju prebivalište/sjedište na području grada Bosanska Krupa, koji su upisani u Registar poljoprivrednih gazdinstava i Registar klijenata u gradu Bosanska Krupa.

Službenu provjeru upisanih pravnih i fizičkih lica u Registar poljoprivrednih gazdinstava i Registar klijenata u gradu Bosanska Krupa obavlja nadležna služba.

III Posebni uslovi, kriteriji i način realizacije

Pravo na novčanu podršku za sufinansiranje troškova uzgoja pčelinjih društava ostvaruju proizvođači koji u uzgoju posjeduju minimalno 20 pčelinjih društava koje su pod zdravstvenim nadzorom.

Novčana podrška se može ostvariti za najviše 100 aktivnih pčelinjih društava.

Visina novčane podrške iznosi 5,00 KM/ pčelinjem društvu.

Za ostvarivanje prava na novčanu podršku po objavljenom Javnom pozivu klijenti podnose zahtjev i slijedeću dokumentaciju:

- a) ovjerena izjava vlasnika o broju pčelinjih društava
- b) potvrda o provedenim obaveznim mjerama (kopija)

Po podnesenim zahtjevima izvršiti će se obračun novčane podrške, sačiniti Lista korisnika i donijeti akt o odobravanju i isplati sredstava.

Ukoliko planirana sredstva za ovu mjeru budu nedovoljna izvršiti će se proporcionalno smanjenje novčanog iznosa po pčelinjem društvu kod svih korisnika.

IV Postupak i provedba

Zahtjev sa propisanom dokumentacijom se podnosi Službi za obrt, poljoprivredu i poduzetništvo, putem pisarnice. Obrazac zahtjeva se može preuzeti u Centru za pružanje usluga građanima grada Bosanska Krupa.

Javni poziv se objavljuje na zvaničnoj web stranici Grada i oglasnim pločama i ostaje otvoren 15 (petnaest) dana od dana objavljivanja na zvaničnoj web stranici: www.gradbosanskakrupa.ba.

Neblagovremene i nepotpune prijave će se odbaciti rješenjem na koje nezadovoljni aplikanti imaju pravo žalbe u roku od 5 (pet) dana od dana prijema rješenja Komisiji Gradskog vijeća za zaštitu ljudskih prava i građanskih sloboda.

Aplikantima koji ne ispunjavaju uvjete dostavit će se obavijest na koju isti imaju pravo žalbe u roku od 5 (pet) dana od dana prijema obavijesti Komisiji Gradskog vijeća za zaštitu ljudskih prava i građanskih sloboda.

Rješenje o ostvarivanju prava na novčanu podršku donijet će se za aplikante koji ispunjavaju uvjete javnog poziva.

Na rješenje o ostvarivanju prava na novčanu podršku nezadovoljni aplikanti imaju pravo žalbe u roku od 5 (pet) dana od dana prijema rješenja Komisiji Gradskog vijeća za zaštitu ljudskih prava i građanskih sloboda.

Obrađivač: Skenderović Asima

GRADONAČELNIK
Armin Halitović

Dostaviti:

1. Zvanična web stranica grada, www.gradbosanskakrupa.ba.
2. Oglasne ploče (Bos. Krupa, Bos. Otoka, Jezerski)
3. JP „Radio Bosanska Krupa“
4. Služba za obrt, poljoprivredu i poduzetništvo
5. A/a